



JABATAN PERKHIDMATAN VETERINAR MALAYSIA

LAPORAN LIPUTAN MEDIA

Khamis, 17 Februari 2022	
1.	Penternak ayam mahu jumpa MAFI
2.	Lebih RM1 juta pampasan penternak terjejas wabak demam babi Afrika
3.	Bekalan ayam, telur patut pulih 2 bulan sahaja - FOMCA
4.	Anjing berkeliaran ancam penduduk Taman Nirwana
5.	Ayam Saga mampu tampung keperluan permintaan
6.	Penternak dakwa tersepit dengan syarat kerajaan

DISEDIAKAN OLEH:

**SEKSYEN KOMUNIKASI KORPORAT
JABATAN PERKHIDMATAN VETERINAR MALAYSIA**

Penternak ayam mahu jumpa MAFI

Mahu bincang segera berkaitan pemberian subsidi 60 sen bagi sekilogram ayam oleh kerajaan

Oleh ROSILAWATI ROSEDI

TEMERLOH

Persatuan Penternak Ayam Melayu Pahang menggesa supaya satu perjumpaan diadakan bersama Kementerian Pertanian dan Industri Makanan (MAFI) dengan para penternak ayam kontrak di negara ini.

Pengerusinya, Jamaluddin Abd Ghani berkata, sehingga kini masih belum ada pertemuan dengan penternak kontrak susulan pemberian subsidi 60 sen sekilogram ayam oleh kerajaan. Menurutnya, ia juga menjadi



JAMALUDDIN



NORHAYATI

Pelbagai tekanan yang terpaksa dihadapi oleh penternak kontrak di negara ini.

teka-teki buat mereka sama ada subsidi itu akan terus disalurkan terhadap syarikat integrator atau penternak kontrak.

"Seperti kami terdiri penternak ayam pedaging menerima banyak kesan negatif berikutan kenaikan pelbagai kos selain dedak, kos peralatan juga semakin mahal serta kesukaran mendapatkan tenaga kerja.

"Kami memang sangat mengharapkan subsidi ini ke-

rana ia dapat membantu penternak kembali bangkit khususnya yang terjejas akibat pandemik Covid-19 dan bencana alam banjir baru-baru ini," katanya kepada *Sinar Harian* di sini pada Rabu.

Jamaluddin berkata, penternak kontrak bergantung sepenuhnya kepada hasil jualan.

"Kami memang menghargai dan ingin mengucapkan terima kasih kepada kerajaan kerana

insentif ini selain bantuan lain yang pernah diberikan selama ini," ujarnya lagi.

Sementara itu, Timbalan Pengerusi persatuan berkenaan, Norhayati Ismail berkata, satu memorandum sudah dihantar kepada Jabatan Perkhidmatan Veterinar (JPV) Pahang pada Rabu.

Tambahnya, penternak kontrak kian tertekan dengan pelbagai kenaikan yang terpaksa



dihadapi mereka.

"Secara kasarnya, penternak ayam kini berdepan masalah kenaikan kos penjagaan ayam dan operasi ladang berikutan pulangan jualan di bawah modal disebabkan faktor kenaikan harga makanan ayam (dalam kontrak ternakan), tenaga buruh serta utiliti.

"Contohnya, di negeri ini, hanya tinggal kira-kira 50 peratus penternak yang masih bertahan, manakala 40 peratus lagi menghilangkan diri dalam bidang ini dan selebihnya menyewakan ladang mereka," ujarnya.

Dalam pada itu, Norhayati juga menjelaskan kebanyakan penternak bumiputera juga masih menggunakan sistem tradisional iaitu reban terbuka.

Persatuan itu kini memiliki lebih 30 ahli daripada pelbagai daerah dan ditubuhkan sejak lima tahun lalu dengan kapasiti keseluruhan jumlah ternakan ayam lebih satu juta.

TARIKH	MEDIA	RUANGAN	MUKA SURAT
17.2.2022	HARIAN METRO	LOKAL	16

Lebih RM1 juta pampasan penternak terjejas wabak demam babi Afrika

Kuala Lumpur: Jabatan Perkhidmatan Veterinar (JPV) menganggarkan bayaran pampasan kepada penternak babi yang terjejas akibat wabak Demam Babi Afrika (ASF) di Melaka adalah melebihi RM1 juta.

Ketua Pengarahnya, Datuk Dr Norlizan Mohd Noor berkata, pihaknya sudah mengemukakan kertas cadangan peningkatan kadar pampasan untuk tambahan peruntukan kepada penternak terjejas.

Menurutnya, kertas cadangan itu dalam penelitian Kementerian Pertanian dan

Industri Makanan (Mafi).

"Penternak yang terjejas dengan virus ASF ini boleh diberi pampasan di mana JPV sudah memperoleh kelulusan bayaran pampasan ternakan berpenyakit berdasarkan keputusan Kementerian Kewangan pada 2011.

"Namun, jumlah pampasan hanya terhad kepada RM1 juta setahun dan JPV sudah mengemukakan kertas cadangan bagi peningkatan kadar pampasan

dan tambahan peruntukan pampasan bagi memenuhi keperluan pelupusan ternakan terjejas terutama berikutan wabak penyakit kulit berbintil (LSD) dan ASF.

"Kertas cadangan itu bagaimanapun masih dalam tindakan penelitian untuk kelulusan di peringkat MAFI," katanya di sini.

Mengulas lanjut, Dr Norlizan berkata, sehingga kini

sejumlah 21,047 babi dilupuskan JPV Melaka di 26 la-

dang akibat virus ASF bagi mencegah penularannya.

Menurutnya, pelupusan 21,047 babi itu termasuk 3,931 babi yang mati akibat virus terjejas dan ditanam di tapak pelupusan.

"Pelupusan babi bagi 20 premis yang positif ASF selesai pada 19 Januari lalu manakala bagi lima premis yang baharu dikesan positif selesai pada 29 Januari lalu.

"Sementara pelupusan bagi sebuah premis yang baharu dikesan positif pada 31 Januari lalu dijalankan pada 4 Februari dan 5 Februari lalu," katanya.

**Sejumlah 21,047
babi dilupuskan JPV
Melaka di 26 ladang**

TARIKH	MEDIA	RUANGAN	MUKA SURAT
17.2.2022	UTUSAN MALAYSIA	DALAM NEGERI	9

Bekalan ayam, telur patut pulih dua bulan sahaja - FOMCA

PETALING JAYA: Penternak sepatutnya menyediakan bekalan ayam dan telur sekurang-kurangnya dalam tempoh dua bulan berbanding empat bulan yang dijamin kerajaan.

Timbalan Presiden Gabungan Persatuan-Persatuan Pengguna Malaysia (FOMCA), Mohd. Yusof Abdul Rahman berkata, ketika ini, semua pihak perlu mengamati sikap kerjasama dalam memastikan ia mencukupi.

Bagaimanapun, katanya, ia diharapkan berada dalam pasaran sekurang-kurangnya dalam tempoh dua bulan bagi memenuhi permintaan.

"Memang proses mengambil masa sehingga empat bulan, cuma kita berharap bekalan mula ada di pasaran pada dua atau satu bulan lebih dari sekarang dan beransur stabil

"Namun, mungkin tempoh empat bulan itu bagi memas-

tikan bekalan tersebut benar-benar cukup," katanya ketika dihubungi *Utusan Malaysia*.

Kelmarin, Kementerian Pertanian dan Industri Makanan memberi jaminan untuk menstabilkan harga ayam dan bekalan telur ayam dalam tempoh empat bulan.

Menterinya, Datuk Seri Dr. Ronald Kiandee berkata, ia berikutan ternakan ayam mengamb

hari untuk matang.

Mohd. Yusof menambah, pengguna juga dinasihatkan untuk mengurangkan penggunaan bekalan terutamanya ayam pada bulan Ramadan mahupun perayaan Aidilfitri.

"Dalam masa sama, pengguna sepatutnya perlu bersederhana dari segi penggunaan bagi membolehkan bekalan mencukupi keperluan semua pengguna.

"Jadi ini adalah m," ujarnya.

Dalam pada itu, Presiden Persatuan Peruncit Bumiputera, Datuk Ameer Ali Mydin berkata, kerajaan diharapkan dapat menurunkan harga ayam selepas bekalan mencukupi bagi membantu meringankan beban rakyat.

Katanya, ini berikutan kadar harga runcit bagi ayam standard pada RM 8.90 ketika ini dilihat masih mahal kepada pengguna membeli bekalan tersebut.

Anjing berkeliaran ancam penduduk Taman Nirwana

MELAKA: Penduduk di Taman Nirwana, Batang Tiga dekat sini, resah berikutan kemunculan lebih 20 ekor anjing liar sejak beberapa bulan lalu di kawasan perumahan mereka.

Sejak kehadiran haiwan tidak mempunyai tuan itu, banyak insiden kucing milik penduduk mati dan cedera digigit, selain itik serta ayam yang diternak turut mengalami nasib sama.

Tidak terkecuali penduduk yang keluar bekerja selepas waktu Subuh sering dikejar anjing tersebut ketika melalui tempatnya berkumpul.

Ketika ditemui *Utusan Malaysia*, seorang penduduk, Siti Anum Che Abd. Wahab, 33, berkata, dua ekor kucing miliknya mati digigit anjing terabit dalam dua kejadian selang seminggu, baru-baru ini.

Menurutnya, kejadian yang menimpa haiwan peliharaannya itu berlaku antara pukul 4 hingga 5.30 pagi.

"Saya pernah dikejar kumpulan anjing ini sewaktu hendak keluar bekerja ke Kuala Lumpur pada pukul 5 pagi.

"Saya minta pihak bertanggungjawab khususnya Majlis Bandaraya Melaka Bersejarah (MBMB) atau Jabatan Perlindungan Hidupan Liar dan Taman Negara (Perhilitan) menangkap haiwan itu segera," katanya ketika ditemui.

Seorang lagi penduduk, Mo-



Sebenarnya banyak haiwan peliharaan penduduk terutama kucing mati digigit anjing ini. Saya harap pihak berwajib bertindak walaupun belum ada lagi kejadian penduduk digigit anjing."

MOHAMAD SHAHRIL ABU

hamad Shahril Abu, 56, berkata, dua ekor itik di dalam sangkar di belakang rumahnya mati selang sehari, kerana digigit haiwan liar tersebut.

"Sebenarnya banyak haiwan peliharaan penduduk terutama kucing mati digigit haiwan ini. Saya harap pihak berwajib bertindak walaupun belum ada lagi kejadian penduduk digigit anjing" katanya.

Bagi seorang pesara, Yusof Othman, 69, dia pernah melihat seorang ahli kariah yang hendak menunaikan solat Subuh di Masjid Lama Batang Tiga, dikejar anjing berkenaan.

Ayam Saga mampu tampung keperluan permintaan

MARDI optimis pembangunan baka bantu industri ternakan dalam jangka masa panjang

Oleh Suzalina Halid
suzalina@bh.com.my

Serdang: Institut Penyelidikan Dan Kemajuan Pertanian Malaysia (MARDI) memperkenalkan baka ayam kampung dikenali sebagai Ayam Saga, yang dapat membantu industri ternakan ayam tempatan dalam jangka masa panjang.

Pembangunan baka Ayam Saga itu bukan sahaja dapat membantu menampung keperluan permintaan ayam, malah bekalan telur yang diperlukan pengguna. Timbalan Ketua Pengarah MARDI, Dr Mohamad Kamal Abdul Kadir, berkata pihaknya menjangkakan dapat menghasilkan 500,000 ekor Ayam Saga menjelang 2025, yang boleh disembelih atau menghasilkan telur lebih banyak dalam tempoh lebih singkat berbanding ayam kampung biasa.

Beliau berkata, Ayam Saga

mempunyai ciri seperti ayam kampung biasa, tetapi pertumbuhannya lebih cepat dan seragam serta boleh mencapai berat satu kilogram (kg) iaitu berat yang sesuai untuk disembelih dalam tempoh lapan minggu atau dua bulan, berbanding tempoh enam bulan untuk ayam kampung biasa.

Katanya, baka yang dibangunkan MARDI menggunakan sumber genetik gabungan ayam kampung tempatan itu boleh mencapai berat mencapai 1.8kg bagi ayam jantan dan 1.5kg bagi ayam betina pada umur 10 minggu hingga 12 minggu.

Dari segi penghasilan telur pula, Mohamad Kamal berkata, Ayam Saga mampu menghasilkan sekurang-kurangnya 100 biji hingga 120 biji telur seekor selama 65 minggu hingga 70 minggu berbanding 60 biji hingga 80 biji bagi tempoh sama untuk ayam kampung biasa.

"MARDI sudah menjalankan pembangunan baka Ayam Saga sejak 2008 dan kajian berkaitan ini berterusan hingga kini bagi meningkatkan mutu baka ayam kampung ini ke arah kelestarian pengeluaran sumber protein negara.

"Ayam Saga terhasil daripada

gabungan empat strain ayam kampung yang dihasilkan MARDI iaitu Alfa, Beta, Gamma dan Tetra, dengan kadar tumbesaran lebih cepat dan penghasilan telur yang lebih banyak.

"Makanannya pula diformulasi menggunakan bahan tempatan

dan kos makanannya 15 peratus lebih rendah berbanding kos makanan ayam biasa, yang berasaskan bahan import seperti jagung dan mil kacang soya.

"Ayam Saga ini juga sesuai untuk ditenak secara separa intensif atau lepas bebas di bawah ladang kelapa sawit, getah atau buah-buahan, yang

mana mana pemeliharaannya lebih mudah dan ringkas berbanding ayam daging biasa.

"Kita menjangkakan penghasilan 500,000 ekor Ayam Saga menjelang 2025 dan 2.5 juta ekor setahun, bersamaan satu peratus daripada populasi ternakan ayam di negara ini menjelang Rancangan Malaysia Ke-13 (RMK-13)," katanya.

Beliau berkata, penghasilan Ayam Saga itu dapat membantu mengurangkan kebergantungan import induk dan baka ayam jantan.

Berikutan itu, katanya, MARDI



Pekerja di Ladang Induk MARDI Muadzam Shah melakukan kerja pengeraman telur Ayam Saga.

mengharapkan kerjasama syarikat, estet dan penternak ayam untuk menayakan projek ini.

Ketika ini, Mohamad Kamal berkata, MARDI mempunyai enam penternak pembaka atau induk (parentstock (PS)) Ayam Saga dan masih mencari sekurang-kurangnya 16 lagi penternak PS untuk mengembangkan baka itu.

"Buat masa ini, purata induk Ayam Saga kurang daripada 1,000 ekor bagi setiap ladang PS, dengan penghasilan setiap bulan adalah daripada 84,000 hingga 100,000 anak ayam setiap bulan," katanya.

Selain itu, beliau berkata, Ayam Saga mempunyai daging yang lebih pejal dan kenyal, berupaya untuk menggunakan makanan berserat tinggi tanpa mengganggu prestasi pertumbuhannya.

Katanya, ini juga satu kelebihan Ayam Saga, yang mana bahan makanan alternatif tempatan yang kebanyakannya berserat tinggi dapat dimasukkan ke dalam formula makanan Ayam Saga pada paras lebih tinggi, sekaligus mengurangkan penggunaan bahan import dan kos penghasilan makanan untuk ternakan itu.

Penternak dakwa tersepit dengan syarat kerajaan

Kuala Lumpur: Penternak ayam di negara ini mendakwa mereka dalam keadaan tersepit dengan pelbagai ketetapan kerajaan, termasuk yang terbaru apabila diarah memaksimumkan semula kapasiti pengeluaran seperti sedia kala dalam tempoh empat bulan.

Berikutan itu, Penasihat Persatuan Persatuan-Persatuan Penternak Malaysia (FLFAM), Jeffrey Ng, meminta kementerian bertanggungjawab menetapkan hala tuju yang jelas berkaitan industri berkenaan dalam usaha kerajaan menstabilkan harga ayam dan telur ternakan itu.

Beliau berkata, penternak juga keliru dengan harga siling ayam yang ditetapkan, apabila Kementerian Perdagangan Dalam Ne-

geri dan Hal Ehwal Penggunaan (KPDNHEP) serta Kementerian Pertanian dan Industri Makanan (MAFI), masing-masing menetapkan harga siling yang berbeza.

"Penternak dalam keadaan tersepit kerana tidak pasti mana satu ketetapan yang perlu dipatuhi, pada masa sama, tidak mahu menyalahi undang-undang."

Dalam isu harga siling, sebenarnya kita mahu harga yang tinggi kerana dengan subsidi 60 sen, sekurang-kurangnya kita dapat bernafas. Jika tidak, memang tiada keuntungan, malah perniagaan lagi rugi.

Sehubungan itu, FLFAM berharap kerajaan menyegerakan pemberian subsidi untuk memastikan pengusaha terus kekal

dan tidak gantung tikar kerana tidak mampu menjana hasil untuk pusingan modal," katanya kepada BH.

Beliau berkata, harga somas anak ayam sudah pun naik sebanyak 30 sen kepada RM2.50 sekor, manakala harga dedak

pengeluaran seperti sedia kala. Jeffrey berkata, sekiranya anak ayam dihasilkan sendiri oleh pengusaha, subsidi diberikan mungkin memadai, tetapi bagi pengusaha yang terpaksa membeli, subsidi perlu diperhalusi semula seiring dengan harga jualan hasil ladang itu yang ditetapkan KPDNHEP dan MAFI.

"Jika modal pusingan pun semakin kecil, pembelian anak ayam juga sedikit dan kapasiti tidak dapat ditingkatkan. Justeru, apa yang pengusaha perlukan ketika ini ialah mekanisme bayaran subsidi itu diperjelaskan dan harga jualan diselamatkan. Kami tidak minta lebih, sekurang-kurangnya kami masih lagi bertahan dalam industri ini," katanya.

Penternak dalam keadaan

tersepit kerana tidak pasti mana satu ketetapan yang perlu dipatuhi, pada masa sama, tidak mahu menyalahi undang-undang



Jeffrey Ng,
Penasihat Persatuan
Persatuan-Persatuan Penternak Malaysia